

摘藻堂四庫全書薈要

子部

欽定四庫全書薈要

子部

御定駢字類編卷一百六十八



詳校官中書

臣

劉源溥

欽定四庫全書薈要卷一萬二千六十七

子部

御定駢字類編卷一百六十八

器物門二十一

弓

周禮司弓矢中春獻一一中秋獻矢箠 又豪人掌受財於職金以齎其工一一六物為三等一一四物

亦如之矢八物皆三等箠亦如之春獻素秋獻成書其等以饗工乘其事試其一以下上其食而誅賞 戰國策今有人操隋侯之珠持丘之環萬金之財時宿於野內無孟賁之威荆慶之斷外無一一之禦不出宿夕人必危之矣 史記絳侯世家以河內守亞夫為將軍軍細柳上自勞軍至霸上及棘門軍直馳入將以下騎

送迎已而之細柳軍軍士吏被甲銳兵刃彀——持滿  
天子先驅至不得入先驅曰天子且至軍門都尉曰將  
軍令曰軍中聞將軍令不聞天子之詔漢書地理志  
見矛盾下又鼂錯傳平陵相遠川谷居間仰高臨下  
此——之地也短兵百不當一又嚴助傳見車騎下  
又吾丘壽王傳丞相公孫弘秦言民不得挾——十  
賊曠弩百吏不敢前又蘇武傳單于弟於靬王弋射  
海上武能網織繳繫——於靬王愛之給其衣食又  
李陵傳見鼓聲下後漢書陸康傳除高成令縣在邊  
陲舊制今戶一人具——以備不虞不得行來長史新  
到輒發民繕修城郭康至皆罷遣百姓大悅以恩信為  
治寇盜亦息吳志賀齊傳齊性奢綺尤好軍事兵甲  
器械極為精好所乘船雕刻丹鏤青蓋絳襜干櫓戈矛  
葩爪文畫——矢箭咸取上材蒙衝鬪艦之屬望之若  
山晉書羊祜傳見戟楯下宋書百官志見綬劍下  
素問厥陰之脉令人腰痛腰中如張——弦莊子

見晉荀下

新書見旗幟下

十洲記鳳麟洲上多

鳳麟數萬各

名為羣麟角合煎作膠名之為續弦膠或

名連金泥此

膠能續——已斷之弦連刀劍斷折之金

更以膠連續

之處使力士掣之他處乃斷所續之際終

無所損也

新序鴻鵠嬉遊乎江漢息留乎大沼俛啄

鯉鯉仰奮陵

衡修其六翮而凌清風庶搖高翔一舉千

里自以為無

患與民無爭也不知戈者選其——修其

防翳加繒繳

其頸投乎百仞之上引纖繳揚微波折清

風而殞故朝

遊乎江河而暮調乎鼎俎急就篇——

箭矢鎧兜鉞

注古者揮作——之施臂而機發者曰——

三國典略甘

寧字興霸巴郡臨江人也招合輕薄少年

為之渠帥羣

聚相隨挾持——負耗帶鈴民間其聲即

知是寧也

水經注吳記曰太湖有苞山在國西百餘

里居者數百

家出——材楓窗小牘熙寧元年十月

詔頒河北諸

軍教閱法凡——分三等九斗為第一八斗

為第二七斗

為第三——分三等二石七斗為第一二石

四斗為第二二石一斗為第三

杜甫遭田父泥飲美

嚴中丞詩回頭指大男渠是——手

杜牧郡齋獨酌

詩犀甲吳兵鬪——

蛇矛燕戟馳鋒鏑

弓箭

後漢書五行志靈帝光和中雒陽男子夜龍以——射北闕吏收考問辭居貧負責無所聊生因買

——以射近射妖也

又南匈奴傳南單于遣子入侍

奉奏詣闕詔賜單于冠帶衣裳黃金璽縗綬安車羽

蓋華蓼駕駟寶劍——黑節三駟馬二黃金錦繡繒布

萬疋絮萬斤樂器鼓車榮戟甲兵飲食什器 宋史兵

志——社河北舊有之熙寧三年十二月知定州滕甫

言河北州縣近山谷處民間各有——社及獵射人習

慣便利與夷人無異欲乞下本道逐州縣並令募諸色

公人及城郭鄉村百姓有武勇願習——者自為之社

每歲之春長吏就閱試之凡人勁悍緩急可用從之

元史順帝紀見環刀下

明一統志翠巖山在寧波府

城西四十五里上有秦皇石板——洞 杜甫兵車行

車麟麟馬蕭蕭行人——各在腰 又哀江頭詩見輦

前下 劉禹錫邊風行見鼓輦下 又平齊行魯人皆

解帶——齊人不復聞簫韶 杜牧夏州崔常侍自少

常亞列出領麾幢詩戈矛虓虎士——落鵬兵 趙

嘏贈皇甫垣詩養由——已無功牢落生涯事事同

弓矢

書費誓備乃——鍛乃戈矛礪乃鋒刃無敢不善  
詩決拾既飲——既調 又大侯既抗——斯

張 又——斯張干戈戚揚爰方啟行 又載載干戈

載橐—— 又小序彤弓天子戚有功諸侯也箋諸侯

敵王所愾而獻其功王饗禮之于是賜彤弓一彤矢百

旅——千凡諸侯賜——然後專征伐 禮記王制見

鈇鉞下 又射義故射者進退周旋必中禮內志正外

體直然後持——審固持——審固然後可以言中此

可以觀德行矣 周禮司——下大夫二人中士八人

注司——弓弩矢箠官之長 又凡祭祀共射牲之——

一澤共射堪質之一一一大射燕射共一一如數并夾  
又太僕王射則贊一一又射鳥氏掌射鳥祭祀以一  
一毆鳥鳶凡賓客會同軍旅亦如之又大司樂大射  
王出入令奏王夏及射令奏騶虞詔諸侯以一一舞  
史記殷本紀紂囚西伯美里西伯之臣閔天之徒求美  
女奇物善馬以獻紂紂乃赦西伯西伯出而獻洛西之  
地以請除炮烙之刑紂許之賜一一斧鉞使得征伐為  
西伯又周本紀初惠后欲立王子帶故以黨開翟人  
遂入周襄王出奔鄭鄭居王於汜子帶立為王取襄王  
所絀翟后與居溫十七年襄王告急於晉晉文公納王  
而誅叔帶襄王乃賜晉文公珪鬯一一為伯以河內地  
與晉又禮書古者之兵戈矛一一而已然而敵國不  
待試而詘又勾奴傳見刀鋌下後漢書光武帝紀  
退功臣而進文吏載一一而散馬牛又夫餘傳見刀  
矛下南史蕭摩訶傳有西域胡妙於一一弦無虛發  
衆軍尤憚之及將戰明徹謂摩訶曰若殪此胡則彼軍



奪氣君有開張之名可斬顏良矣 唐書南蠻傳其兵

有——稍及以孔雀羽飾纛 竹書紀年帝舜有虞氏

二十五年息慎氏來朝貢—— 韓詩外傳傳曰諸侯

之有德天子錫之一錫車馬再錫衣服三錫虎賁四錫

樂器五錫納陛六錫朱戶七錫—— 八錫鈇鉞九錫拒

塗 淮南子四馬不調造父不能以致遠—— 不調羿

不能以必中 白虎通古者人君下賢降階一等而禮

之故進賢賜之納陛以優之也既能進善當能戒惡故

使虎賁虎賁者所以戒不虞而距惡距惡而斷刑故賜

之鈇鉞鈇鉞所以斷大刑刑罰既中則能征不義故賜

—— 弓矢所以征不義伐無道也 中華古今注西漢

京兆及河南尹執金吾司隸校尉皆使人導引傳呼使

者止坐者起四人持—— 走者則射之有乘高窺闕者

亦射之魏晉已來則用角弓設而不用焉 大方便佛

報恩經時有五百羣鴈從北方來飛空南過中有鴈王

墮獵網中爾時獵師心大歡喜即出草菴欲取殺之時

有一鴈悲鳴吐血徘徊不去爾時獵師彎弓欲射不避  
一一目不暫捨即鼓兩翅來投鴈王五百羣鴈徘徊虛  
空亦不復去顏氏家訓見鍼縷下山書古之一一  
所以防惡也今則不然反防人之一一也畫墁錄房  
陵有獵人射雉冠一境矢無虛發嘗遇猿凡七十餘發  
皆不能中猿乃舉手長揖而去因棄一一不復獵韓  
愈畫記見鈇鉞下又巧者王承福傳世為京兆長安  
農夫天寶之亂發人為兵持一一十三年有官勲棄之  
來歸喪其土田手鋤衣食餘三十年舍於市之主人而  
歸其屋食之當焉又送李愿歸盤谷序見旗旄下  
周存觀大學射堂賦莫不比乎禮樂和其容止將申明  
于德行必審固夫一一霍去病琴歌載載干戈一一  
藏兮石崇贈棗腆詩博奕逞妙思一一威邊疆崔  
顥古遊俠詩還家行且獵一一速如飛杜甫喜聞官  
軍已臨賊境詩戈鋌  
開雪色一一尚秋毫

弓刀

唐書地理志關內道厥賦絹綿布麻厥貢毛羽革角布席——又吐蕃傳喜浮屠法習咒詛多佩

——飲酒不得及亂宋史真宗紀景德三年夏四月

帝幸開寶寺遂幸御龍直班院觀教閱——又韓琦

傳置都作院頒——新式大作戰車又黎洞蠻夷傳

俗呼山嶺為黎居其間者號曰黎人——未嘗去手弓

以竹為弦淨住子見袍甲下譚子化書一人所以

能敵萬人者非——之技蓋威之至也王建東征行

同時賜馬并賜衣御樓看帶——發楊汝士建節後

偶作拋却——上砌臺上方臺榭與雲開韋蟾送盧

潘尚書之靈武詩水木萬家朱戶暗——千隊鐵衣鳴

元好問送樊順之詩——十驛岳蓮州渭水秦山得

意秋又甯掾端甫北上詩馬頭

風雪遠相迎颯沓——四十程

弓劍禮記曲禮受——者以袂魏志管輅傳注故郡

將劉邠曰北郡官舍每有變怪輒聞鼓角聲音或

見——形象 唐書薛登傳昔吳起將戰左右進劍吳子辭之諸葛亮臨陣不親戎服蓋不取——之用也

宋史何承矩傳擢為西上閤門使知滄州踰年徙雄州御書印紙錄其功最仍賜以——又呂頤浩傳有胆

略善鞍馬——當國步艱難之際人倚之為重 淮南子古之兵——而已矣槽矛無擊修戟無刺 聞見雜

錄太祖即位方鎮多偃蹇所謂十兄弟者是也上一日召諸方鎮授以——人馳一騎與之私出固子門大林

中下馬酌酒上語方鎮曰此間無人爾輩要作官家者可殺我而為之方鎮伏地戰恐上曰爾輩既欲我為天

下主爾輩當盡臣節今後毋或偃蹇方鎮復再拜呼萬歲與飲盡醉而歸 楓窗小牘岳少保既死獄籍其家

僅金玉犀帶數條及瑣鎧兜鍪南蠻銅弩鑲刀——鞍轡布絹三千餘疋粟麥五千餘斛錢十餘萬書籍數千

卷而已 李白飛龍引軒轅去時有——古人傳道留其間 柳宗元韋道安詩道安本儒士頗擅——名

張蠙贈李司徒詩長怪魯儒  
頭枉白不親——覓丹梯

弓鎧 元史何實傳進拜宣德西京太原平陽延安五路  
萬戶易佩金虎符以兵二萬屬之復賜馬六騎金

錦——  
有差

弓矛 史記大宛傳大宛在匈奴西南衆可數十萬其兵  
——騎射 又西域傳見劍甲下 漢書韓王信

傳請令彊弩傳兩矢外鄉注  
李奇曰言唯——無雜仗也

弓戟 賈誼過秦論陳涉以戍卒散亂之衆數百奮臂大  
呼不用——之兵鉏耰白挺望屋而食橫行天下

弓戈 韓愈魏博節度觀察使沂國公  
先廟碑銘束縛——考較程度

弓稍 唐書高開道  
傳見刀稍下

弓槍

宋史王繼恩傳領河州刺史掌軍器——庫

弓鉞

韓愈司徒兼侍中中書令贈太尉許國公神道碑公子公武與公一時俱授——處藩為將疆土相

望

弓楯

晉書馬韓傳見矛楯下南史齊廢帝紀諶初入殿宿衛將士皆衛執——欲戰諶曰所取自有人

卿等不須動

宿衛信之

弓玉

春秋盜竊寶玉大弓公羊傳寶者何疏欲言貴物微者竊之欲言賤物又在——之上故執不知問

弓旌

宋史高道傳見尺牘下任昉宣德太后再敦勸梁王今爰在弱冠首應——劉禹錫酬楊庶子

喜韓

吳興與余同遷見贈詩見幢蓋下鮑溶寄李都

護詩去年河上送行人萬里——一武臣皎然送沈

居士還太原詩高逸雖成性——肯忘招又  
答裴集陽伯明詩召士揚——知君在林藪

弓甲

晉書文帝紀三年夏四月肅慎來獻楷矢石弩——  
貂皮等天子命歸於大將軍府韓愈贈絳州

刺史馬府君行狀見幄幕下李益五  
城道中詩寢興倦——勤役傷風露

弓韋

宋史曹瑋傳乾興初謫左衛大將軍容州觀察使  
知萊州瑋以宿將為謂所忌即日上道從弱卒十

餘人——不以——  
——矢箠自隨

弓室

詩虎韋鏤膺交韋二弓傳虎  
虎皮也韋——也膺馬帶也

弓裘

李東陽對鴈閣賦存——之舊物慨堂構之餘情  
高適古樂府相門連戶牖卿族嗣——李嘉

祐送王牧詩年華初  
冠帶文體舊——

弓冶

白居易吟阿崔詩——

將傳汝琴書勿墜吾

弓馬

後漢書陳龜傳家世邊將便習——旌於北州  
又皇甫嵩傳嵩少有文武志介好詩書習——

又呂布傳以——驍武給并州刺史丁原為騎都尉董

卓誘布殺原王允使為內應刺殺卓 吳志韓當傳以

便——有膂力幸於孫堅 晉書愍帝紀論元海王彌

皆——之士驅走之人非有吳先主諸葛孔明之能也

南史劉敬宣傳敬宣寬厚善待士多伎藝——音律

無事不善 又柳元景傳元景少便——數隨父伐蠻

以勇稱 又張欣泰傳年十餘詣吏部尚書褚彥回彥

回問張郎——多少答曰性怯畏馬無力牽弓彥回甚

異之 又侯景傳景右足短——非其長所在唯以智

謀 魏書伊馥傳既剋涼州世祖大會於姑臧謂羣臣

曰崔公智謀有餘吾亦不復奇之吾正奇馥——之士

而所見能與崔同此深自可奇顧謂浩曰馥智力如此



終至公相

元史兵志御史臺言諸路宜選年壯熟嫻

——之人以備巡捕之職弓手數少者亦宜增置除捕

盜防轉不得別行差占又選舉志遼金居北方俗尚

——遼景宗道宗亦行貢試金太宗世宗屢闢科場亦

粗稱得士後趙錄石虎字季龍——迅捷勇冠當時

蜀錄李流字元通持第四子也少好學便——東羌

校尉何攀稱流有資育之勇顏氏家訓武夫則慣習

——文士則講議經書演繁露漢宣帝選六郡良家

子便——者為羽林郎韓愈右龍武軍統軍劉公墓

誌銘長子元朴直忠厚便——為淮南軍衙門將

李益城傍少年詩生長邊城傍出身事——薛

逢獵騎詩陌上管弦清似語草頭——疾如飛

弓騎

王融策秀才文專士女  
於耕桑習鄉閭以——

弓韞

禮記月令仲春是月也元鳥至至之日以大牢祠  
於高禘天子親往后妃帥九嬪御乃禮天子所御

帶以——授以弓矢於高禩之前漢書王莽傳進所  
徵天下淑女杜陵史氏女為皇后莽親迎於前殿兩階  
間成同牢之禮於上西堂備和嬪美御和人三位視公  
嬪人九視卿美人二十七視大夫御人八十一視元士  
凡百二十人皆佩印綬執——唐書禮樂志文王居  
明堂之篇帶——禮高禩九門磔禳國有酒以合三族  
推其事皆與月令  
合則皆在路寢也

弓檠

詩竹閉緄勝朱注閉——也緄繩勝約也以竹為閉而以繩約之於弛弓之裏檠弓體使正也

弓韃

詩象弭魚服疏魚獸似豬東海有之其皮以為——矢服漢書韓延壽傳在東郡時試騎士延壽

坐射堂騎吏持戟夾陛列立從者帶——羅後令騎士兵車四面營陳注師古曰韃弓衣也後漢書南匈奴

傳今齋雜繒五百疋——  
韃丸一矢四發遺遺單于

弓弧

魏書高聰傳盛事奇迹必宜表述請勒銘射宮永彰聖藝詔曰此乃一一小藝何足以示後葉而喉

唇近侍苟以為然亦豈容有異便可如請遂刊銘於射所

弓弰

射經身前竦為猛虎方騰額前臨為封兕欲闕出為懷中吐月平箭筈為絃上懸衡此皆有威

容之稱也

王昌齡城傍曲射殺

空營兩騰虎迴身却月佩一一

弓絃

南史曹景宗傳景宗謂所親曰吾昔在鄉里騎快馬如龍與年少輩數十騎拓一一作霹靂聲箭如

餓馱叫平澤中逐麋數肋射之渴飲其血饑食其胃甜如甘露漿覺耳後生風鼻頭出火宋史外國傳夏俗

以矢擊一一審其聲知敵至之期與兵交之勝負元

史世祖昭瑞順聖皇后傳后率宮人親執女工拘諸舊

一一練之緝為紬以為衣素問死肝脉來急益勁如

新張一一曰肝死越絕書麻林山一名多山句踐欲

伐吳種麻以為一一使齊人守之越謂齊人多故曰麻林多博物志見香膠下岑參送郭司馬赴伊郡詩

安西美少年脫劍却一一孟郊寒溪詩見劍刃下

金丹大要詩萬丈懸崖撒手時方名了了一一卸

弓把禮記曲禮右手承跗跗謂一一也授在地地道貴右主人推客居右客覆右手執弓下頭又卻下

左手以承一一把當中央而高兩頭額下以授主人主人在左

弓衣禮記檀弓赴車不載橐鞶注橐甲衣鞬一一一漢書韓延壽傳注見弓韉下六一詩話蘇子瞻學

士蜀人也嘗於涪井監得西南夷人所賣蠻布一一其文織成梅聖俞春雪詩蓋其名重天下一篇一詠傳落

夷狄而異域之人貴重之如此

弓服唐書高麗傳初師還帝以一一賜蓋蘇文受之不遣使者謝韓愈畫記見刀劍下

弓脚

宋史儀衛志素方纈四十四人——  
幘頭碧襪衫塗金銅革帶烏皮履

弓背

宋史張莊傳湖北至廣西縣湖南則迂若——自  
渠陽而往猶弓弦耳 今狐楚少年行——霞明

劍照霜秋風

走馬出咸陽

弓腰

西陽雜俎元和初有士人醉臥廳中見古屏上婦  
人於牀前踏歌歌曰舞袖——渾忘却蛾眉空帶

九秋霜中雙鬟者問曰如何是——歌者笑曰汝不見  
我作——乎乃反首髻及地腰勢如規焉 誠齋雜記

梁羊侃妾孫荆玉能反腰貼地銜席上之珍謂之——  
劉基次韻和謙上人秋興詩無客金戈樯鑿齒有人

玉帳舞

——

弓頭

禮記曲禮左手執簫疏簫——頭稍刻差邪似簫  
故謂為簫也謂——為鞘鞘簫之言亦相似也

弓翮

杜甫兩當縣吳侍御江上宅  
詩哀哀失木狖矯矯避——

弓式

宋史兵志判監呂惠卿言其所上——及其他兵器制度下殿前馬步三司令定奪去取而逐司不

過取責軍校文狀以聞非獨持其舊說不肯更張又其智慮未能知作器之意

弓梢

畫梅譜——鹿角下筆忌繁

弓子

宋史宋琪傳契丹主吹角為號衆即頓舍環遠穹廬以近及遠折木梢屈之為——鋪不設槍營塹

柵之備

開元天寶遺事宮中每到端陽節造粉團角黍貯於金盤中以小角造——纖妙可愛架箭射盤中

粉團中者得食蓋粉團滑膩而難射也

弓仗

水經注維邪離國去王舍城五千由旬城周圍三由旬城之西北三里塔名放——

弓 檠

何承天上安邊表令承平未久邊令弛縱——利鐵既不都斷往歲棄甲垂二十年課其所住理應

消壞謂宜申明舊科嚴加禁塞諸商賈往來幢隊挾藏者皆以軍法治之

弓 竿

晉書苻健載記中軍殷浩請救雄遣菁略上洛郡於豐陽縣立荊州以引南金奇貨——漆蠟通關

市來遠商於是國用充足而異賄盈積矣

弓 琴

宋書蕭思話傳遷使持節臨川王義慶平西長史南蠻校尉太祖賜以——手教曰丈人頃何所作

事務之暇故以琴書為娛耳所得不曰義邪眷想常不忘情想亦同之前得此琴云是舊物亦有名京邑今以相借因是戴顓意於彈撫響韻殊勝直爾嘉也

弓 壺

博古圖商賈耳——一鐘鼎款識——銘一弓字此器以弓銘之壺酒之下尊也商之酒器間有

以弓名者蓋射者未嘗不繼之以飲也

弓珣

左思魏都賦一解  
檠矛鉞飄英

弓車

周禮考工記胡無一也  
夫人而能為一也

弓輪

易說卦傳坎為水為溝瀆為隱伏為矯揉為一  
疏為一一弓者射也輪者運行如水行也

弓門

宋史曹瑋傳初張佖知秦州置四門砦侵奪羌地  
羌人多叛去畏得罪不敢出瑋招出之令入馬贖

罪還故地至者數千人每送馬六十匹給米一端築一  
治方牀穰靜戎三陽定西伏羌永寧小洛門威遠十  
砦

弓箕

禮記學記良一之子必學為一疏箕柳箕也言善  
為一之家使幹角撓屈調和成其弓故其子弟亦



觀其父兄世業仍學取柳和軟撓之成也鹿門隱  
書以儉而獲罪猶遠乎奢以退而遇謗尚愈乎進  
之家生子而捨乎陶旒之家生子而捨乎陶旒噫  
吾之道猶一一陶旒乎陸龜蒙詩少小不好弄逡巡  
奉一

弓銘

北史杜銓傳見几賦  
下武王有一一

弓日

李紳渡西陵  
詩見旗風下

弓月

唐書高宗紀永徽二年七月賀魯寇庭州左武衛  
大將軍梁建方右驍衛大將軍契苾何力為一一

道行軍總管以伐之又龍朔三年十二  
月安西都護高賢為行軍總管以伐一一

弓河

明一統志一一在常州府無  
錫縣東旁有九河號九箭

弓里

後漢書溫序傳建武二年騎都尉——戍將兵平定北州到太原列訪英俊大人問以策謀戍見序

奇之上

疏薦焉

弓人

孟子由——而恥為弓矢人而恥為矢也 唐書李德裕傳見甲人下 韓詩外傳齊景公使人為

弓三年乃成景公得弓而射不穿二札景公怒將殺——弓人之妻往見景公曰蔡人之子——之妻也此弓者太山之南烏號之柘驛牛之角荆廩之筋河魚之膠也四物者天下之練材也不宜穿札之少如此且妾聞奚公之車不能獨走莫邪雖利不能獨斷必有以動之夫射之道左手若附枝掌若握卵四指如斷短杖右手發之左手不知此蓋射之道景公以為儀而射之穿七札蔡人之夫立出矣 柳宗元晉問——之弓函人之

甲膠角百選

犀兕七屬

弓高

史記韓王信傳信之入匈奴與太子俱及顏當城生子因名曰顏當韓太子亦生子命曰嬰至孝文

十四年顏當及嬰率其衆降漢漢封顏當為一侯嬰為襄城侯吳楚軍時一一侯功冠諸將傳子至孫孫無

子失侯嬰孫以不敬失侯

漢書地理志河間國縣一

一唐書白居易傳是時河朔復亂合諸道兵出討遷

延無功賊取一一絕糧道深州圍益急居易上言兵多

則難用將衆則不一宜詔魏博澤潞定滄四節度令各

守境以省度支貲餉水經注衡漳又東逕一一縣故

城北枚乘諫吳王書張韓將北地一一宿左右注一

一韓類

當也

弓盧

漢書霍去病傳歷度難侯濟一一注難侯山名一一水名按史記作弓閭

弓隆

酉陽雜俎甲子神名一一欲入水內呼之九千河伯導引入水不溺

弓神

—— 猗覺寮雜記  
—— 名曲張

弓正

唐書宰相世系表張氏出自姬姓黃帝子少昊青陽氏第五子揮為——始制弓矢子孫賜姓張氏

弓父

後漢書蔡邕傳——畢精於筋角  
飲飛明勇於赴流注——弓工也

弓工

後漢書  
注見上

弓寮

圖繪寶鑑林泳希逸子  
善畫墨竹自號——

弓匠

宋史魏矼傳見杯酒下元史百官志大都——  
提舉司秩正五品達魯花赤提舉同提舉副提舉

各一員其屬雙搭弓局大使副使各一員成吉里弓局  
大使副使各一員通州弓局院長一員  
輟耕錄中書

令耶律文正王楚材從太祖征伐諸國夏人常八觔者  
以治弓見知於上詔王曰本朝尚武而明公欲以文進

不已在乎王曰治弓尚須——  
豈治天下不用治天下匠耶

弓局

元史百官  
志見上

弓手

宋史食貨志今東南長名衙前招募既足所差不  
及上戶上戶必差——則是以上戶就中戶之役

實為優幸上戶產厚而役輕下戶產薄而無役然則所  
當補恤正在中戶今若增上戶役年使中戶番休稍久  
則補除相均矣又季陵傳軍興以來既結保甲又改  
巡社既招——又募民兵民力竭矣而猶誅求焉不幾  
於急乎此皆陰道太盛所致元史兵志元制郡邑設  
——以防盜也內而京師有南北西城兵馬司外而諸  
路府所轄州縣設縣尉司巡檢司捕盜所皆置巡軍——  
——而其數則有多寡之不同又王思誠傳還至三河  
縣一因慙不已俾其黨異處使之言因曰賊向盜某芝  
麻某追及刺之幾死賊以是圖復讐今——欲捕獲功

之數適中賊計其贓實某妻裙也以裙示失主主曰非吾物其黨詞屈遂釋之

弓力

宋書卜天與傳善射——兼倍容貌嚴正笑不解顏北史魏秦王翰傳子儀膂力過人——將十

石陳留公虔稍大稱異時人云衛王弓桓王稍李筠傳後唐秦王從榮判六軍諸衛募勇士為爪牙筠操弓矢求見——及百觔府中無能挽者從榮令筠射引滿有餘力再發皆中因以隸麾下王貞白度關山

詩見鈴

聲下

弓勢

白居易秋思詩獸形雲不一——月初三

弓兆

周禮卜師掌開龜之四兆一曰方兆二曰功兆三曰義兆四曰——

弓影

駱賓王送鄭少府入遼共賦俠客遠從戎詩見劍端下元稹店外聞幕中諸公徵樂會飲詩蛇蠱

迷——  
翎  
翎落箭靬

弓聲

北史長孫晟傳晟部領降人為秦州行軍總管取  
晉王廣節度出討達頭達頭與上相抗晟進策曰

突厥飲泉易可行毒因取諸藥毒水上流達頭人畜飲  
之多死大驚曰天雨惡水其亡我乎因夜遁晟追之斬  
首千餘級俘百餘口王大喜引晟入內同宴極歡有突  
厥達官來降時亦預坐說言突厥之內大畏長孫總管  
聞其——謂為霹靂  
見其走馬稱為閃電

弓竹

竹譜——如藤其節都曲生多臥土立則依木長  
幾百尋狀若相續質雖含文須膏乃縵——出東

垂諸山中長數十丈每節輒曲既長且軟不能自立若  
遇木乃倚質有文章然要須膏塗火灼然後出之篾臥  
竹上  
出也

弓材

唐書地理志商州上洛郡土貢麝香——有洛源監錢官

弓經

宋史藝文志紀亶廣——一卷

弓試

宋史藝文志呂惠卿——一部

弓訣

宋史藝文志李靖——一卷

弓量

宋史藝文志王居安經界——法一卷

弓射

北史高閭傳下至官屬分為三軍二萬人專習——二萬人專習刀楯二萬人專習騎稍

弓彎

異聞錄貞元中邢鳳寓居長安平康里晝寢夢一美人授春陽曲其詞曰長安少女翫春陽何處春

陽不斷腸舞袖——渾忘却羅帷空度九秋霜鳳卒吟請曰何謂——曰昔年父母教妾比舞美人乃起振衣



張袖舞數拍為——狀既罷辭去鳳亦尋覺于襟袖得其詞 李白送白利從詩見劍決下

弓調 家語哀公問於孔子曰請問取人之法孔子對曰

也鈞鈞亂也噶噶誣也故——而後求勁焉馬服而後求良焉士必慤而後求智能者焉不慤而多能譬之豺

狼不可通 韓詩外傳見車固下 姚合窮

邊詞箭利——四鎮兵蕃人不敢近東行

弓盤 朱慶餘塞下曲箭撚雕翎闊——鵲角輕

弓張 詩角弓其觶箋角弓觶然言持弦急也疏言持弦急謂——故弦急也 法言見——之——今弛而不

失其良兮或曰何謂也曰撒之而已矣 張說送岳州李十從軍桂州詩見劍拔下方干新月詩潭魚驚釣

落雲鴈 怯——

弓開

庾信大將軍崔詵神道碑銘見劒起下 李紳憶  
至鞏縣河宿待家累追懷詩——後騎低初月鶚

駐前旌

拂暮鴉

弓長

南史王景文傳自為謠言曰一士不可親——射  
殺人一士王字指景文——張字指張永 唐書

張亮傳亮為相州假子公孫節以讖有——之主當別  
都亮自以相舊都——其姓陰有怪謀術家程公穎者

亮素與厚陰謂曰君前言陛下真天下主何其神邪公  
穎內曉即稱亮臥若龍當大貴亮曰國家殆必亂吾臂

龍鱗奮矣

博

物志見箭長下

弓弱

宋史夏國傳至道初遣左都押衙張浦以橐駝及  
良馬來獻太宗令衛士翹關起朱引彊奪槊於後

園俾浦等觀且令兵士皆拓兩石弓帝笑問浦曰羌人  
敢敵否浦曰羌部——矢短但見此長大人則已遁矣

況敢  
敵乎

弓勁

宋史趙普傳時涉秋序邊庭早涼——馬肥我軍久困切慮此際或誤指蹤臣方冒寵以守藩蜀敢

興言而  
阻衆

弓撥

戰國策楚有養由基者善射去柳葉者百步而射之百發百中左右皆曰善有一人過曰善射可教

射也矣養由基曰人皆善子乃曰可教射子何不代我射之也客曰我不能教子支左屈右夫射柳葉者百發

百中而不以善息少焉氣力倦——矢鉤一發不中前功盡矣

弓膠

史記田敬仲世家——昔幹所以為合也然而不能傳合疏罇——韓琦詩風入——士氣豪

弓燥

典論歲之莫春句芒司節和風扇物——手柔草淺獸肥——劉孝儀從軍行木落雕——氣秋征雁

肥

弓招

北史邢邵傳設官分職各有司存丞相不問關人  
虞官——不進豈使尸祝兼刀匕之役家長侵雞

犬之  
功

弓鳴

李嶠軍師凱旋自邕州順流舟  
中詩——蒼隼落劍動白猿悲

弓抱

岑參奉送李太保兼御史大夫充渭北  
節度使詩——關西月旗翻渭北風

弓良

韓詩外傳今有堅甲利兵不足以施敵破  
虜——矢調不足射遠中微與無兵等爾

弓多

薛道衡老氏  
碑見網密下

弓凍

庾信出自北門行樂府笳  
寒蘆葉脆——絃絃鳴

弓安

周禮考工記弓人凡為弓各因其君之躬志慮血氣豐肉而短寬緩以恭若是者為之危弓危弓為

之安矢骨直以立忿執以奔若是者為之安弓安弓為之危矢其人安其一一其矢安則莫能以速中且不深其人危其弓危其矢危則莫能以愿中

弓危

周禮考工記弓人見上

弓欺

羅鄴老將詩見劍泣下

弓枯

左傳宋華弱與樂轡少相狎長相優又相謗也子蕩怒以一一華弱於朝平公見之曰司武而枯於

朝難以勝矣遂逐之疏頸貫於弓若手在枯故云以一一也

弓犯

李紳憶過潤州詩一一控絃招武旅劍當抽匣問狂夫

弓培

戴表元耕寬堂賦穴野而渠糞山而畬——可壑歲無贏儲

弓昭

詩彤——兮受言藏之注彤——朱弓也——弛貌

弓藏

詩見上 史記淮陰侯傳上令武士縛信載後車信曰果若人言狡兔死良狗亨高鳥盡良——敵

國破謀臣亡天下已定我固當亨 吳越春秋高鳥已盡良——將——狡兔已死走犬就烹 又左傳注見箭箒

下

弓載

詩彤——弓兮受言——之朱注載抗之也

弓橐

詩彤——弓兮受言——之朱注橐韜也

弧

弧矢

易繫辭傳弦木為弧剡木為矢——之利以威天下蓋取諸睽注睽乖也物乖則爭興——之用所

以威乖爭也

晉書庾翼傳見旌甲下

魏書高聰傳

伏見親御——

臨原戈遠弦動羽馳矢鏃所逮三百五

十餘步

唐明皇校獵義成喜逢

大雪詩——

威天下旌旗遊近縣

弧旌

周禮考工記——枉矢以象弧也注覲禮曰侯氏載龍旂弧韜則旌旗之屬皆有弧也弧有張繆之

幅有衣謂之韜又為

設矢象弧星有矢也

弧星

禮記月令疏見弧中下新論微子感牽牛星顏淵感中台星張良感——樊噲感狼星老子感火

星

弧中

禮記月令仲春之月日在奎昏——旦建星中疏餘月昏旦中星皆舉二十八星此昏云——且云

建星中獨非二十八宿者以弧星近井星建星近斗井斗度多其星體廣不可以的指昏旦之中故舉弧建定其昏旦之中也

弧深

周禮考工記凡揉輶欲其孫而無一一注孫順理也元謂弧木弓也凡弓引之中參中參深之極也

揉輶

之倨句如二可

也如三則深傷其力

弧刺

鹽鐵論聖人審于是非察于治亂故設明法陳嚴刑坊非矯邪若棖括輔藥之正一一也

弧張

周禮冥氏掌設一一為阱獲以攻猛獸以靈鼓毆之注一一量罩之屬

弧建

禮記月令疏見弧中下

弧精

張淵觀象賦一一引弓以持滿狼星搖動於霄端



弩

弩矢

史記司馬相如傳是時邛笮之君長聞南夷與漢通得賞賜多多欲願為內臣妾請吏比南夷乃拜

相如為中郎將建節往使副使王然于壺充國呂越人馳四乘之傳因已蜀吏幣物以賂西夷至蜀蜀太守以下郊迎縣令負——先驅蜀人以為寵漢書霍光傳去病以皇后姊子貴幸既壯大迺自知父為霍中孺未及求問會為驃騎將軍擊匈奴道出河東河東太守郊迎負——先驅至平陽傳舍遣吏迎霍中孺中孺趨入拜謁將軍迎拜因跪曰去病不早自知為大人遺體也又韓延壽傳見弩箭下後漢書天文志王莽地皇四年六月漢兵起南陽至昆陽莽使司徒王尋司空王邑將諸郡兵號曰百萬衆至昆陽山作營百餘圍城數重或為衝車以撞城為雲車高十丈以瞰城中——雨集城中負戶而汲求降不聽請出不得西京雜記茂

陵文固陽本瑯琊人善馴野雉為媒以射雉每以三春之月為茅障以自翳用雉矢以射之日連百數茂陵輕薄者化之皆以雜寶錯厠翳障以青州蘆葦為一一輕騎妖服追隨於道路以為歡娛也

**弩箭**

漢書韓延壽傳抱弩負蘭注如淳曰蘭盛一一箭也師古曰蘭盛弩矢者也其形如木桶 宋史兵

志見

劍輪下

李商隱射曲思牢

一一磨青石繡額蠻渠三虎力

**弩楯**

後漢書公孫瓚傳張純復與畔胡丘力居等寇漁陽河間勃海入平原多所殺略瓚追擊戰於屬國

石門虜遂大敗棄妻子踰塞走悉得其所略男女瓚深入無繼反為丘力居等所圍於遼西管子城二百餘日

糧盡食馬馬盡煮一一刀戰不敵乃與士卒辭訣各分散

**弩劍**

宋史百官志內弓箭庫南外庫軍器弓槍庫軍器一一箭庫掌藏兵杖器械甲冑以備軍國之用

弩鎧

漢書王莽傳禁民不得挾——

弩機

呂覽鄭公子歸生率師伐宋宋華元率師應之大棘羊斟御明日將戰華元殺羊饗士羊斟不與焉

明日戰怒謂華元曰昨日之事子為制今今日之事我為制遂驅入於鄭師宋師敗績華元虜夫——差以米則不發戰大機也饗士而忘其御也將以此敗而為虜豈不宜哉

弩牙

易繫辭傳言行君子之樞機疏樞謂戶樞機謂——言戶樞之轉或明或暗——之發或中或否猶

言行之動從身而發以及於物或是或非也書太甲

若虞機張往省括於度則釋傳機——也齊書東昏

侯紀見帷帳下又明一統志——山在

龍安府城東南一百六十五里狀如——

弩類

宋史兵志若水進所造神臂弓實李宏所獻蓋——也弓之身三尺有二寸強長二尺有五寸箭木

羽長數寸射三百四十餘步入榆木半筈

**弩式**

宋史兵志江上諸軍有一一皆廢不修詔兩淮荆襄沿邊城守各製二十枝御前軍器所亦如之

**弩臺**

明一統志石城山在湖州府城西南三十里昔烏程人嚴白虎於此壘石為城與呂蒙戰至今山上

有一一烽樓走馬將臺遺址皮日休館娃宮懷古詩一一雨壤逢金鏃香徑沉銷露玉釵

**弩陸**

漢書揚雄傳甘泉本因秦離宮既奢泰而武帝復增通天高光迎風宮外近則洪厓旁皇儲胥一一

遠則石關封巒枝鵲露寒棠梨師得遊觀屈奇瑰瑋非木摩而不彫牆塗而不畫周宣所考般庠所遷夏卑宮

室唐虞採椽三等之制也

**弩關**

漢書昭帝紀夏罷天下亭毋馬及馬一一

弩淪

晉書樂志——本歌曲 亦作俞宋史樂志弩為遠兵軍之鎮其發有機體難動往必速重而不遲

銳精分鏹射遠中微

——之樂壹何奇

弩神

猗覺寮雜記——名遠望

弩士

晉書楊駿傳時駿居曹爽故府在武庫南開內有變召衆官議之尋而殿中兵出燒駿府又令——

於閣上臨駿府而射之駿兵皆不得出駿逃於馬廄以戰殺之 唐書王栖曜傳李希烈陷汴州也乘勝東略

次寧陵將襲宋州浙西節度使韓滉使栖曜以彊弩三千涉水夜入寧陵希烈不之知晨朝矢集帳前驚曰江

淮——入矣遂不敢東 宋史林廣傳乞弟遣叔父阿汝約降求退舍又約不解甲廣策其有異除阜為壇距

中軍五十步且設伏明日乞弟擁千人出降匿——檀棗猶豫不前謝恩廣發伏擊之變奔潰斬阿汝乃大酋

二十八人 元史秃忽魯傳至元二十九年辰州蠻叛副樞劉國傑僉院唆木蘭往討之不利移文索辰澧沅民間——三千哈刺哈孫以民弗習戰強之徒傷吾民弗許秃忽魯曰兵貴訓練乃可用也漢軍不習弩因蠻攻蠻古所利遂與之果以此獲勝

弩人

唐書李德裕傳見甲人下

弩父

輜軒絕代語楚東海間亭父謂之亭公卒謂之——言主擔弩因以為名也

弩手

宋書索虜傳募天下——不問所從若有馬步衆藝武力之士應科者皆加厚賞 宋史兵志增置

陝西蕃落保捷定功河北雲翼有馬勁勇陝西河北振武河北東京武衛陝西京西壯勇延州青澗登州澄海

弩團

宋史兵志熙寧六年諸路行保甲司農寺請令全邵二州土丁弩手一一與本村土人共為保甲

弩射

漢書百官公卿表注如淳曰若廬郎中二十人主唐書兵志十人為火五火為團皆有首長

又擇材勇者為番頭頗習一一

弩力

淮南子夫矢之所以射遠貫牢者一一也其所以中的剖微者正心也

弩張

袁昂書評見劒拔下豐道生真賞齋賦一一劒拔虎踞龍盤

弩砲

宋史兵志岢嵐軍別置牀子一一手

弩車

宋史魏勝傳列陣則如意車在外以旗蔽障一一當軍門其上寘牀子弩矢大如鑿一矢能射數人

發三矢可數百步

弩弦

宋史馬懷德傳嘗因戰流矢中其額鏃入於骨以繫鏃發機而出之十洲記續絃膠或名連

金泥武帝天漢三年帝幸北海祠恒山四月西國王使至獻此膠四兩帝幸華林園射虎而斷使者時從駕又上膠一分使口濡以續帝驚曰異物也乃使武士數人共對掣引之終日不脫如未續時也

弩柄

宋史儀衛志鏃枝黑漆一也以金銅為鏃及飾其末紫條繫之

矢

矢鏃

詩疏見矢棘下蜀志關羽傳羽嘗為流矢所中貫其左臂後創雖愈每至陰雨骨常疼痛醫曰

一有毒毒入于骨當破臂作創刮骨去毒然後此患乃除耳羽便伸臂令醫劈之桃源手聽壬辰二月三日

在金陵預閱字顯忠兵馬司最後折柳環插毬場軍士馳馬射之其一開於常鏃略可寸餘中輒斷之名曰



躡柳

矢刃

漢書蘇武傳路窮絕兮——摧士衆滅兮名已隕  
南史侯景傳謂其廂公王僧貴曰吾常據鞏對

敵——交下而意了無怖今見蕭公使人自懼豈非天  
威難犯吾不可以再見之魏書杜祥傳時出挑戰偽

退以驕賊賊果日來攻逼不復自備乃夜出襲其營將  
曉——交下賊大崩散潰神仙傳封衡字君達隴西

人也遇魯生女授還丹訣及五岳真形圖遂周遊天下  
故山官水精潛相迎伺而凶鬼怪物無不竄避人或疑

之以——刺  
禦皆不能害

矢鉤

戰國策見弓撥下唐書李德裕傳帝既數討叛  
有功德裕慮怯于武不可戰即奏言曹操破袁紹

於官渡不追奔自謂所獲已多恐傷威重養由基古善  
射者柳葉雖百步必中觀者曰不如少息若弓撥——

前功皆棄陛下征伐無不得所欲願以兵為戒乃可保成功帝嘉納其言

矢戈

談圃契丹犯澶淵奏至寇準適在病告上遣數輩召與計事準辭疾復遣衛士舁病而入亦不至明

日準入對固請鑾輿親征即出懷中所擬將校姓名凡數百人詔敕皆具一一即日言邁遂平大寇準之力也

矢石

史記晉世家從亡賤臣壺叔曰君三行賞賞不及臣敢請罪文公報曰夫道我以仁義防我以德惠

此受上賞輔我以行卒以成立此受次賞一一之難汗馬之勞此復受次賞若以力事我而無補吾缺者此受次賞三賞之後故且及子又蕭相國世家上已聞淮陰侯誅使使拜丞相何為相國益封五千戶令卒五百人一都尉為相國衛諸君皆賀名平謂相國曰上暴露於外而君守於中非被一一之事而益君封置衛者以今者淮陰侯新反于中疑君心矣願君讓封勿受悉以家私財佐軍又仲尼弟子傳越使大夫種頓首言於

吳王曰今竊聞大王將興大義誅彊救弱困暴齊而撫周室請悉起境內士卒三千人孤請自被堅執銳以先受——又貨殖傳壯士在軍攻城先登陷陣却敵斬將搴旗前蒙——不避湯火之難者為重賞使也漢書淮南厲王長傳高祖蒙霜露沐風雨赴——野戰攻城身被創瘡呂為子孫成萬世之業艱難危苦甚矣又叔孫通傳弟子皆曰事先生數年幸得從降漢今不進臣等刺言大猾何也通迺謂曰漢王方蒙——爭天下諸生寧能關乎故先言斬將搴旗之士諸生且待我我不忘矣又終軍傳當發使使匈奴軍自請曰軍無橫草之功得列宿衛食祿五年邊境時有風塵之警臣宜披堅執銳當——啟前行駕下不習金革之事今聞將遣匈奴使者臣願盡精厲氣奉佐明使畫吉凶於單于之前後漢書光武帝紀耿純進曰天下士大夫捐親戚棄土壤從大王於——之間者其計固望其攀龍鱗附鳳翼以成其所志耳又堅鐔傳鄧奉復反新野

攻破吳漢時萬修病卒鐔獨孤絕南拒鄧奉北當董訢  
每急輒先當——身被三創以此能全其衆又李膺  
傳轉烏桓校尉鮮卑數犯塞膺常蒙——每破走之  
魏志呂虔傳太祖使督青州諸郡兵以討東萊羣賊李  
條等有功太祖令曰卿在郡以來禽姦討暴百姓獲安  
躬蹈——所征輒克加騎都尉典郡如故晉書新野  
莊王歆傳張昌作亂於江夏歆將出軍王綏曰昌等小  
賊偏裨自足制之不煩違帝命親——也乃止魏書  
慕容如意傳辛勤於軍旅之際契闊於——之間南  
史齊高帝紀見鼓叫下元史趙賁亨傳命為征行千  
戶攻樊城冒——擁盾先登破之呂覽簡子去犀蔽  
屏櫓而立於——之所及一鼓而士畢乘之說苑安  
陵纏以顏色美壯得幸于楚共王江乙往見安陵纏曰  
子之先人豈有——之功於王乎曰無有江乙曰子之  
身豈亦有乎曰無有江乙曰子之貴何以至於此乎曰  
僕不知所以新論三軍合戰必立——之下所以共

安危也

庾信慕容寧神道碑長城峽石必先行陣秦

南隴西每當一一

黃庭堅對青竹賦見簫笛下高

適睢陽酬別詩兜鍪

衡一一鐵甲生風颭

矢旂

晉書卞壺傳賊峻造逆戮力致討身當一一再對賊鋒父子并命可謂破家為國守死勤事唐書

王式傳初交趾數有變懼式威不自安譁曰黃頭軍將度海襲我矣相率夜圍城合譟請都護北歸我當抗黃頭軍式徐被甲引家僮乘城責讓一一交發叛者走翌日盡捕斬之

矢箛

服同詩象弭魚服疏見弓韃下周禮司弓矢注見弓矢下後漢書禮儀志干戈各一竿一甲一

曹一注鄭元曰竿一一宋史曹瑋傳見弓韃下柳宗元鏡歌鼓吹獸之窮天厚黃德狙獷服甲之縶弓弭

矢星

周禮考工記弧旌枉矢以象弧也  
疏象天上弧星弧星則一一也

矢房

韓愈畫記  
見刀劍下

矢人

周禮考工記一一為矢錐矢參  
分第矢參分一在前二在後

矢道

漢書鼂錯傳材官騶發一一同的則  
匈奴之革筍木薦而弗能支者也

矢交

元史賀勝傳乃顏叛帝親征勝直武帳中雖親王  
不得輒至勝傳旨飭諸將詰旦合戰還侍帝側一

一帳前勝

立侍不動

矢著

公羊傳見琴如下 韓愈張中丞傳後  
序抽矢射佛寺浮圖一一其上輒半箭

矢棘

詩如歧斯翼如一斯一如鳥斯革如翬斯  
飛傳棘稜廉也疏如矢之鏃有此廉稜然

矢注

水經注建武十九年伏波將軍馬援上言從廉泠出貢古擊益州臣所將越騎萬餘人便習戰鬪者

二千兵以上弦毒矢利以

數發——如雨所中輒死

矢激

史記賈誼傳水激則旱兮——則遠萬物回薄兮振蕩相轉後漢書宋宏傳子則字元矩為鄢陵

令則子年十歲與蒼頭共弩射蒼頭弦斷——誤中之即死奴叩頭就誅則察而恕之文心雕龍形生勢成

始末相承湍迴似規——如繩

矢下

史記李廣傳匈奴左賢王將四萬騎圍廣廣為圍陳外嚮胡急擊之——如雨漢兵死者過半漢矢

且盡廣乃令士持滿毋發而廣身自以大黃射其裨將殺數人後漢書光武帝紀或為地道衝輞橦城積弩

亂發——如雨城中負戶而汲魏志許褚傳從討韓遂馬超於潼關太祖將北渡臨濟河先渡兵獨與褚及

虎士百餘人留南岸斷後超將步騎萬餘人來奔太祖  
軍——如雨褚白太祖賊來多今兵渡已盡宜去乃扶  
太祖上船南史蕭藻傳州人焦僧護聚衆數萬據鄆  
繁作亂藻集僚佐議欲自擊之或陳不可藻大怒斬之  
階側乃乘平肩輿巡行賊壘賊聚弓亂射——如雨從  
者舉楫禦箭又命陳之由此人心大安賊乃夜遁元  
史塔出傳宋夏貴帥舟師十萬圍正陽決淮水灌城幾  
陷帝遣塔出往救之道出潁州遇宋兵攻潁成卒僅數  
百人盛暑塔出即發公庫弓矢驅市人出戰預度潁之  
北關攻易破乃急徙民入城伏兵以待是夜宋人果焚  
北關火光屬天塔出率衆從暗中射之

——如雨宋軍退走至沙河大破之

矢中

元史蕭拜住傳曾祖醜奴仕金為古北口屯戍千  
戶歲庚午國兵南下金將招燈必舍遁醜奴于暮

夜潛領兵三千人力戰不克

——其胸遂開關遣使納降



矢驚

新論鳥激則能翔青雲之  
際——則能踰白雪之嶺

矢疾

淮南子——不過二里也步之遲百舍不休千里  
可致新論善齊事者若救火拯溺明其謀者猶

驥捷

矢創

穀梁傳吳子謁伐楚至巢入其門  
門人射吳子有——反舍而卒

矢躍

後漢書廣陵王荆傳注韓詩外傳曰昔者楚熊渠  
子夜行見寢石以為伏虎彎弓而射之沒金飲羽

下視知其石也因  
復射之——無迹

矢驟

宋書張興世傳賊來尚遠而氣盛——驟既力盡  
威亦易衰此曹劇之所以破齊也令將士不得妄

動

矢危

周禮考工記弓人見弓安下

矢安

周禮考工記弓人見弓安下

矢調

韓詩外傳見弓良下

矢集

唐書王栖曜傳見弩士下

矢括

詩公曰左之舍拔則獲傳拔括也曰左之者從禽之左射之也舍拔則獲言公善射疏公戒御者曰

從左

而逐之公乃親自射舍放

則獲得其獸言公之善射

矢直

韓詩外傳見車固下文心雕龍勢者乘利而為制也如機發一一澗曲湍迴自然之趣也

矢踰

水經注睢水又東逕睢陽縣故城南而周武王封微子啟于宋以嗣殷後為宋都也宋景公使工人

為弓九年乃成公曰何其遲也對曰臣不復見君矣臣之精盡于弓矣獻弓而歸三日而死景公登虎圈之臺援弓東面而射之——於孟霜之山集於彭梁之東餘勢逸勁猶飲羽於石梁

矢盡

後漢書段熲傳見刀折下魏志龐德傳仁使德屯樊北十里會天霖雨十餘日漢水暴溢樊下平

地五六丈德與諸將避水上隄羽乘船攻之以大船四面射隄上德被甲持弓箭不虛發自平旦力戰至日過中羽攻益急——短兵接戰戰益怒氣愈壯而水浸盛吏士皆降德與麾下將一人五伯二人彎弓傳矢乘小船還仁營水盛船覆失弓矢獨抱船覆水中為羽所得元史董文炳傳宋淮西制置使夏貴帥舟師十萬來攻矢石雨下文炳登城禦之一夕貴去復來飛矢貫文炳左臂著脇文炳拔矢授左右發四十餘矢簾中——顧左右索矢又十餘發矢不繼力亦困不能張滿遂絕幾殆

矢末

書太甲若虞機張往省括於度則釋疏括謂一一

矢足

戰國策趙襄子使延陵君將車騎先之晉陽君因從之至召張孟談曰無矢奈何張孟談曰臣聞董

子之治晉陽也公宮之垣皆以荻蒿苦楚廩之其高至丈餘君發而用之於是發而試之其堅則筍籥之勁不能過也君曰一一矣

矢魚

春秋隱公五年春公一一于棠左傳書曰公一一于棠非禮也且言遠地也螢雪叢說辛酉因如

鄱陽閱三十六家春秋解若注一一於棠雖累數說不透皆以矢為觀非也使其以矢為觀當時無不直書其事而乃云云若是蓋有深意存焉余嘗謂矢者射也正周禮所謂一一其一一鼈而食之是也推而上之若臯陶矢厥謨亦射義也釋書者類訓直又非周道如砥其直如矢乃詩人比喻之辭故可以云直若書之矢謨春秋之

——皆出於任意而為之故可以之射自臯陶有矢謨之說而後董仲舒有射策之文君子於此可以意推不觀也

矢箭

吳志賀齊傳見弓弩下

矢音

詩來游來歌以——其——

矢詩

詩——不多維以遂歌

箭

箭矢

急就篇見弓弩下又注以竹曰——以木曰——古者夷牟作矢

箭鏃

後漢書西域傳西夜國地生白草有毒國人煎以為藥傳——所中即死北史陸法和傳軍次白

帝謂人曰諸葛孔明可謂為名將吾自見之此城旁有其埋弩——一斛許因插表令掘之如其言宋史楊

再興傳再興戰死後獲其屍焚之得——二升述異記今會稽之上有越王鑄劍洲——洲往往有得古——

——蓋古制也岳陽風土記瀕江水退漁人於沙磧得

——甚多形制不一皆銅為之歲有得十數者足以見

前代爭戰之衝也白居易和元微之詩摩弓拭——

夜射不待明元稹——詩——本求利淬厲良甚佳

王建射虎行遠立不敢污——聞死還來分虎肉皮日休吳中苦雨詩著樹勝戟支中人過——

箭竿爾雅榮萎注藥草也葉似竹大者如——有節葉狹而長表白裏青根大如指長一二尺可啖漢

書勾奴傳見斗入下

雲笈七籤見鈴鼻下

箭弦

李白代美人愁鏡詩藁砧一別若——去有日來無年

箭盾

淨住子見袍甲下

箭簫

左傳公徒釋甲執冰而踞注冰積丸蓋或云積丸是——其蓋可以取飲方言曰弓藏謂之鞬或謂之積丸如彼文則積丸是盛弓者也此或說積丸是——其蓋可以取飲十三年傳云司釋射奉壺飲冰謂執此也

箭羽

問燕常談太宗朝王濟主漳州龍溪簿時福建諸郡輸鵞翎為——既非常有之物而官司督責甚

急民間苦之濟輒以便宜喻郡民用鵞翎代之因附驛以聞詔可其請施及旁郡民咸德之白居易放旅鴈詩健兒饑餓射汝喫拔汝翎翎為——溫庭筠昆明池水戰詞——槍纓二百萬踏翻西海生塵埃

箭幹

禮記月令季春之月是月也命工師令百工審五庫之量金鐵皮革筋角齒羽——脂膠丹漆母或

不良注幹器之木也

箭服

服同漢書五行志縶弧桑弓也其服蓋以萁草為

近射妖也

又韓延壽傳注如淳曰蘭盛弩

服盛箭器也

又司馬相如傳子虛賦夏之勁箭注伏儼曰

服盛箭器也夏后氏之良弓名煩弱其矢亦良即煩弱

也

箭韋

元稹酬孝甫見贈詩見書囊下又范

臥聞幕中諸公徵樂會飲詩見弓影下

箭房

元史忙哥撒兒

傳見帳前下

箭鏐

齊書戴僧靜傳僧靜同郡餘姚人陳眉叔彊辯果

捷便刀楸官至太子左率啓世祖以鍛一一用鐵

多不如鑄作東冶令張侯伯以鑄鏐鈍不合用事不行



箭頭

謝氏詩源更羸之妻能作鎖雲囊佩之陟高山有雲處不必開囊而自然有雲氣入其中歸至家啓

視皆有雲氣白如綿自囊而出大如蠶繭而可以開合更羸善射每言能仰射雲中其妻不信因以一囊繫一令射之及墜驗之果有白雲在內因名箭曰鎖雲故子美詩曰翻身向天仰射雲劉禹錫飛鳶操見旗尾下又連州臘日觀莫徕獵西山詩——餘鵠血鞍傍見雉翹賈島上邠寧邢司徒詩——破枯渾無敵杖底拋毬遠有聲

箭脚

齊書廬陵王子卿傳忽用金箔裏——何意亦速壞去

箭底

王建寄舊山僧詩獵人——求傷鴈釣户竿頭乞活魚王涯塞上曲平生多志氣——覓封侯

箭孔

北史常山王遵傳初孝武在洛於華林園戲射以銀酒卮容二升許懸於百步外命善射者十餘人

共射中者即以賜之元順發矢即中帝大悅并賞金帛順仍於一一處鑄一銀童足踏金蓮手持刻炙遂勒諸背上序其射工白居易蠻子朝詩至今西洱河岸邊一一刀痕滿枯骨

箭牌

宋史夏國傳見旗鼓下

箭簪

皮日休寄滑州李副使員外詩見旄頭下

箭筈

箭譜一一十二月生惟會稽諸山絕多或叢生或蔓延可如篴大長三四寸

箭竹

桂海草木志一一山中悉有

箭鏑

宋史張雍傳推官陳世卿治戎器掌書記施謂權鹽院判官謝濤伐山木為竿銷銅鍾為一一紐布

為索守械悉備博物志焦銅者故燒器其長老唯別焦桐聲以物杵之徐聽其聲得焦毒者偏鑿取以為一

1  
箭山

明一統志——在義烏縣東北四十里山多竹箭

箭筈

宋史吳璘傳紹興元年——關之戰斷沒立與烏魯折合兵使不得合金人遁璘功居多明一統

志——

——山在鞏昌府漳縣西南三十里杜甫望岳詩

車箱

入谷無歸路——通天有一門元好問雲次詩

車箱——

——連西東

仇池

百穴總玲瓏

箭谷

庾肩吾謝齊梨啟昨陽東苑子園三尺新豐——枝懸六斤未有生因粉水產自桐丘影連鄧橘林

交苑

柿遠薦中廚爰頒下室事同靈

棗有

願還年恐似仙桃無因留核

箭水

王褒漏刻銘圭表弗差光陰斯赴——無絕靈虬長注閭朝隱明月歌梅花雪白柳葉黃雲霧四

起月蒼蒼——  
冷冷刻漏長

箭渚——顏延之七繹松丘  
——藥苑香林

箭火——庾信紀干弘神道碑船官之城登巢懸纒  
吳兵習流長驅戰艦風灰——條及凌城

箭風——緯略養性經曰治身之道春避青風夏避赤風秋  
避白風冬避黑風孫思邈論衛生以為人當避暗

風——者蓋  
此之謂也

箭窗——宋史石保吉傳在陳州盛飾廨舍以迓貴主因完  
葺城壘疏牖於上以瞰衢路如——狀未嘗上聞

賓佐諫  
之不聽

箭局——元史百官志  
見甲局下

箭書

宋史雷有終傳官軍圍城每射箭招誘及令均子弟至城下均皆不之知得一一錯悉焚之自起至

敗所守止  
一城而已

箭瘡

馬戴關山曲一一殊  
未合更遣擊蘭州

箭神

猗覺寮雜記一一名續長 又王褒周太保尉遲  
綱墓碑加以達門射法遠中戟支養由一一遙穿

懸葉巧極將軍之  
枝精窮校尉之官

箭材

宋史兵志賜河北義勇  
兵弓弩一一各一百萬

箭萌

爾雅篳一一  
注萌筍屬也

箭長

博物志交州夷民曰俚子俚子弓長數尺一一尺  
餘以焦銅為鏑塗毒藥於鏑鋒中人即死不時斂

藏即膨脹沸爛須臾  
焦煎都盡唯骨耳

箭貴

新論見  
弦直下

箭重

庾信哀江南賦乍風驚  
而射火或一一而回舟

箭瘢

宋史韓世忠傳見刀痕下  
蔡琰胡笳十八拍見刀痕下

箭漏

劉峻辯命論短則不可緩之於  
寸陰長則不可急之於一一

箭劈

曹唐奉送嚴大夫再  
領容府詩見劍澄下

箭激

韓愈祭河南張員外文洞庭漫汗粘天無壁風濤  
相逐中作霹靂追程盲進颿船一一張祐走筆

贈許玖赴桂州  
命詩見劍稜下

箭馳

方干暮發七里灘夜泊嚴光臺  
下詩一瞬即七里——猶是難

箭疾

鮑照登大雷岸與妹書  
散渙長驚電透——

箭利

姚合窮邊詞  
見弓調下

箭動

盧照鄰同臨津紀明府孤鴈  
詩水流疑——月照似弓傷

箭撚

秦韜玉邊將  
詩見旗縫下

箭射

話腴見  
墨磨下

箭中

南史侯景傳三月甲申景請簡文禊宴於樂遊苑  
暢飲三日其逆黨咸以妻子自隨皇太子以下並

令馬射——  
者賞以金錢

箭折

白居易哭劉夢得詩不知一  
弓何用兼恐唇亡齒亦枯

箭插

張祐塞上詩一一鵬  
翎闊弓盤鵠角輕

箭飛

鮑照飛白書勢  
銘見劍揮下

箭下

庾信趙廣墓誌銘一  
遼城泥封函谷

箭迴

杜牧秋岸詩  
見旗去下

箭穿

李咸用和友生喜相遇詩且固  
初心希一試一一正鵠豈無緣

箭入

杜甫送郭中丞兼太僕卿克隴右節  
度使詩一一昭陽殿笳吟細柳營

箭沒

劉長卿觀校獵上淮西相公詩笳  
隨晚吹吟邊草一一寒雲落塞鴻



箭盡

庾信擬連珠蓋聞三世用兵既非貽厥陰謀累葉必以凶終是以李都尉之風霜上蘭山而——陸

平原之意氣登

河橋而路窮

箭闊

射經身前竦為猛虎方騰額前臨為封兕欲關出弓梢為懷中吐月平——為弦上懸衡此皆有威

儀之稱也

箭官

經世全書比射親兵一旗十步一鼓至的乃止中軍先撥視箭數——唱射下籌鼓手等候唱名唱

過五人一排人各九矢唱射依次一矢落再唱一矢出箭穩疾者乃為上等

箭數

經世全書見上

鏃



干旗

詩子子一  
在浚之都

干羽

書大禹謨帝乃誕敷文德舞一于兩階七旬有  
苗格傳一旃一翳也舞者所執修闡文教舞文舞

于賓主階間抑武事

新書若禹伐有苗舜舞一一而

苗民格可謂善陣者不戰

李東陽奎文閣賦方舞一

一兮七旬徧絃歌兮八垠

張說封泰

山凱和樂章大哉一一意長見風雲在

干戚

鉞同禮記樂記比音而樂之及一一羽旄謂之樂  
疏言以樂器次比音之歌曲而樂器播之并及一

一羽旄鼓而舞之乃謂之樂也

史記樂書見冠笄下

後漢書儒林傳序建武五年乃修起太學稽式古典

籩豆

一一之容備之於列服方領習矩步者委它乎其

中魏書邢巖傳未有捨一一而康時不征伐而混一

韓詩外傳韶用一一非至樂也舜兼二女非達禮也

淮南子見管簫下又見鐘磬下大戴禮丁亥者

吉日也萬也者——舞也入學也者大學也謂今時大舍采也白虎通執——習俯仰屈信容貌得齊焉

新論舜執——而服有苗征伐者不可釋甲而制寇庚信哀江南賦官守無奔問之人——非平戎之戰

李白古風如何舞

——一使有苗平

干櫓

禮記儒行見甲冑下 吳志賀齊傳見弓弩下 顏氏家訓見矛戟下

干戈

書說命惟——省厥躬 詩見弓矢下 又見弓矢下 禮記檀弓戰于郎公叔禺人與其鄰童汪

蹄往皆死焉魯人欲勿殤童汪蹄問于仲尼仲尼曰能執——以衛社稷雖欲勿殤也不亦可乎 又文王世

子凡學世子及學士必時春夏學——秋冬學羽籥簫于東序注——萬舞象武也用動作之時學之羽籥簫

舞象文也用安靜之時學之 又樂記武王克殷濟河而西馬放之華山之陽而弗復乘牛散之桃林之野而

弗復服車甲衅而藏之府庫而弗復用倒載——包之以虎皮將帥之士使為諸侯名之曰建橐然後天下知

武王之不復用兵也左傳公居于長府九月戊戌伐

季氏殺公之于門遂入之平子登臺而請曰君不察臣

之罪使有司討臣以——臣請待於沂上以察罪弗許

史記五帝紀軒轅之時神農氏世衰諸侯相侵伐暴

虐百姓而神農氏弗能征於是軒轅乃習用——以征

不享諸侯咸來賓從漢書刑法志天下既定戡藏——

——教以文德而猶立司馬之官設六軍之衆因井田而

制軍賦又谷永傳臣永幸得給事中出入三年雖執

——守邊陲思慕之心常存於省闈是呂敢越郡吏之

職陳累年之憂後漢書賈復傳見甲兵下又何進

傳夫違經合道天人所順而反委釋利器更徵外助大

兵聚會彊者為雄所謂倒持——授人以柄功必不成

祇為亂階蜀志先主傳注漢晉春秋曰曹公自柳城

還表謂備曰不用君言故為失此大會備曰今天下分

裂日尋——事會之來豈有終極乎若能應之於後者則此未足為恨也 齊書東昏侯紀見鼓譟下 竹書

紀年帝顓頊高陽氏母曰女樞生顓頊於若水首戴——有聖德 愛日齋叢抄玉壺野史記曹武惠王始生

周時日父母以百玩之具羅于席觀其所取武惠王左手提——右手提俎豆斯須取一印餘無所視曹真定

人江南遺俗乃如此今俗謂試周是也 陳思王請招降江東表今臣文不昭於俎豆武不習於——而竊位

藩王施祿東夏消損天日無益聖朝 摯虞太康頌弓矢橐服——戢藏 徐陵與北齊宗室書外族忠孝比

屋連疊信義勇于——詩書甘于酒醴 韓愈司徒兼侍中中書令贈太尉許國公神道碑銘見車馬下 庾

信哀江南賦宰衡以——為兒戲搢紳以清談為廟略王粲從軍詩身服——事豈得念所私 張協雜詩

何必操——堂上有奇兵 唐太宗飲馬長城窟行絕漠——戢車徒振原隰 李百藥調漢高廟詩——草

宇內聲教盡寰中

高適宋中別司功叔詩——悲昔

事墟落對窮年

杜甫瀝潁堆詩——連解纜行止憶

垂堂

又送舍弟頻赴齊州詩去傍——覓來看道路

通

又暮春題瀼西新賃草屋詩養拙——際全生麋

鹿羣

又寄董卿嘉榮詩會取——利無今斥侯驕

李紳憶過潤州詩昔年從宦——地黃綬青春一魯儒

李咸用自愧詩見俎豆下張喬再書邊事詩羌戎

不識——老須賀當時聖主明胡曾沛宮詩漢高辛

苦事——帝業

興隆俊傑多

干父

梁武帝移京邑檄掖庭有裨

販之名姬姜被——之服

干首

詩注見

干旄下

干越

談苑饒州餘干縣有——亭前瞰琵琶洲後枕思

禪寺林麓森鬱千峰競秀

劉長卿送李侍御貶

鄱陽詩——知何處雲山只向東 施肩吾宿

——亭詩琵琶洲上人行絕——亭中客思多

干城 詩赴起武夫公侯——孔叢子子思居衛言苟

變于衛君曰其材可將衛君曰變也嘗為吏賦于

民而食人二雞子以故弗用也子思曰君處戰國之世

選爪牙之士而以二卵棄——之將此不可使聞於鄰

國者也 蔡邕薦皇甫規表論其武略則漢室之——

又越絕書馬安溪上——者越——王之——也去縣七

十里

干木 晉書杜夷傳昔魏文侯軾——之間齊相曹參尊

崇蓋公皆所以優賢表德敦勵末俗 唐書裴度

傳長慶四年王廷湊屠元翼之家敬宗羞惋歎宰輔非

其人使充賊肆熾學士韋處厚上疏曰臣聞汲黯在朝

淮南寢謀——處魏諸侯息兵王霸之理以一士止百

萬之師一賢制千里之難裴度元勳巨德文武兼備若



位巖廟委參決必使我虜畏威幽鎮自臣 呂覽段一

一晉國之大駟也學于子夏 又魏文侯過段一一之

間而軾之其僕曰君胡為軾曰段一一蓋賢者也吾安

敢不軾 新論古之人君必招賢搜隱人臣則獻士舉

知唐昇二八流睦睦之風周保十亂播濟濟之詠仲尼

在衛趙鞅折謀一一處魏秦人罷兵官奇未亡獻公不

侵子玉猶存文公側坐以此而言則立政致治折衝厭

難者舉賢之效也 庚信擬連珠屈完參乘諸侯解方

城之圍一一為臣天下無西河之戰 左思詠史詩吾

希段一一偃息藩魏君 又南史蔡廓傳徵為吏部尚

書廓曰我不能為徐一一署紙

尾遂不拜一一羨之小字也

干將

呂覽四曰辨而不當論信而不當理勇而不當義

序所以尚一一莫邪者貴其立斷也所以貴騏驎者為

其立至也 急就篇聶一一注聶本地名因為姓也

春秋稱齊師宋師曹師次于聶北救邢韓有聶政漢有聶壹——古之善劍一曰劍師名也新論不用——

奚知銳也不引烏號奚知其勁也宣和書譜李邕剛毅忠烈盧藏用謂之如——鏐鏐難與爭鋒但虞傷缺

耳梁簡文帝馬寶頌序至於——寶劍遙服晉鄭之

軍蓮花烏玉騰威大海之際范仲淹明堂賦建日月

服乾坤佩——升崑崙李白贈潘侍御

詩三軍論事多引納堦前虎士羅——

干寶

晉書——傳——字令升新蔡人也著晉紀二十卷撰搜神記二十卷坦齋通編干姓也古寒切

干姓編云望出滎陽潁川宋有干犂晉有——著搜神記世說——向劉真長叙其搜神記劉曰卿可謂鬼

之董狐

干令

新書舜修典刑臯陶作士師人不——行無可施可謂善師者不陣

干祿

論語子張學——百福子孫千億

詩豈弟君子——豈弟又

南史劉湛傳湛黨劉敬文

父成未悟其機詣景仁求郡敬文遽謝湛曰老父悖老  
遂就殷鐵——又明山賓傳兄痼疾家道屢空山賓

乃行——又戴顓傳顓兄勃疾患醫藥不給顓謂勃  
曰顓當——以自濟耳乃求海虞令五代史劉贊傳

贊父玘為縣令每食則玘自肉食而別以蔬食食贊於  
牀下謂之曰肉食君之祿也爾欲之則勤學問以——

吾肉非爾之食也由是贊益力學舉進士宋史尹焞  
傳焞少師程頤嘗應舉發策有誅元祐諸臣議焞曰噫

尚可以——乎哉不對而出崔駰達旨暴智耀世因  
以——非仲尼之道也謝靈運富春渚詩久露——

請始果遠遊諾高適真定即事奉贈韋使君二十八  
韻詩不才羞擁腫——謝侏儒岑參太一石黿崖口

潭舊廬招王學士詩偶

逐——徒十年皆小官

干辛

呂覽——任威凌轡諸侯以及兆民賢良鬱怨

干揚

禮記樂記見弦歌下

干舞

禮記檀弓仲遂卒于垂壬午猶繹萬入去籥注萬——也籥籥舞也周禮樂師凡舞有帔舞有羽

舞有皇舞有旄舞有——有人舞注——者兵舞公羊傳萬者何——也

戈

戈戟

禮記月令季秋之月是月也天子乃教於田獵以習五戎班馬政注五戎謂五兵弓矢及矛——也

而錫居一謂之——之齊齊書裴叔業等傳論見鼓

輦下

唐書張柬之傳今鹽布之稅不供珍奇之貢不入——之用不實於戎行實貨之資不輸於大國而空

竭府庫驅率平人受役蠻夷肝腦塗地臣竊為陛下惜之  
妝臺記見斧鉞下 隋煬帝遺陳書望我寬仁思

倒——通在我行更成敵國 白居易和渭北劉大夫

詩雲隊攢——風行卷旆旌 李咸用送譚孝廉赴舉

詩鼓鼙聲裏尋詩禮

——林間入鎬京

戈矛

書費誓見弓矢下 詩王于興師修我——與子  
同仇 史記禮書見弓矢下 後漢書孔融傳建

元元年為袁譚所攻自春至夏戰士所餘裁數百人流  
矢雨集——內接融隱几讀書談笑自若 吳志賀齊

傳見弓弩下 又吾粲傳見綆紲下 潘岳馬汧督誅

見旌旗下 梁簡文帝六根纖文身根頑觸唯貪細軟

質體塵礙不重—— 柳宗元代裴行立謝移鎮表重

修前志再礪—— 又答貢士蕭纂求為師書詳視所

貶曠然以喜是何旨趨之博大詞采之蔚然乎鼓行於

秀造之列此其——矣 徐浩謁禹廟詩象筵陳玉帛

容衛儼——王昌齡箜篌引盡遣降來拜御溝便令  
海內休——元稹奉和浙西大夫李德裕述夢詩見

筆陣下姚合送楊尚書赴東川詩見印綬下杜

牧夏州崔常侍自少常亞列出領麾幢詩見弓箭下

戈劍

呂覽世之人主多以珠玉——為寶愈多而民愈

被試出塞詩見旆旌下徐堅奉和聖製送張說巡邊  
詩輦鼓喧雷電——凜風霜白居易東南行——星

芒耀魚龍

電策驅

戈甲

南史劉之亨傳大通六年出師南鄭詔湘東王節  
度諸軍之亨以司農卿為行臺承制逢出本州北

界總督中軍仗節而西樓船——甚盛老小緣岸觀曰  
是前舉秀才者鄉部偉之素問欲將入於疫室先想

青氣自肝而出左行於東化作林木次想白氣自肺而  
出右行於西化作——幸蜀記見旗幟下張說奉

和聖製太行山中言志應制詩羽儀映松雪——帶春寒  
王涯從軍詞——從軍久風雲識陣難 李紳姑

蘇臺詩歌清管咽歡未極越師——浮江來 鄭準江  
南清明詩無限歸心何計是路邊——正重重 曹唐

昇平詞文章唯返樸——盡生塵 胡曾秦  
庭詩楚國君臣草莽間吳王——未東還

戈兵

易說卦傳為——疏為——取其剛在於外以剛  
自捍也 殷堯藩署中答武功姚合詩全家笑無

辱曾不見——

戈盾

周禮司——掌——之物而頒之祭祀授旅賁父  
故士——授舞者兵亦如之軍旅會同授貳車——

——建乘車之——授旅賁及虎士——及舍設藩盾行  
則斂之 又旅賁氏見車止下 又作楯左傳齊侯免

求丑父三入三出每出齊師以帥退入於狄卒狄  
卒皆抽——以入於衛師衛師免之遂自齊關入

戈鎧

唐書王鏐傳檢校司徒為河中節度使徙河東會回鶻并麾尼師入朝鏐欲示威武傾駭之乃悉軍

迎延列五十里旗幟光鮮——犀密回鶻恐不敢仰視鏐偃然受其禮帝聞喜之即除檢校司空同中書門下

平章

事

戈刃

後漢書盧植傳贊當植抽白刃嚴閣之下追帝河津之間排——赴戕折豈先計哉君子之於忠義

造次必於是顛沛必於是也齊書陳顯達傳本欲鳴笳細錫無勞——但忠黨有心節義難遣信次之間森

然十

萬

戈及

曹植七啓丹旗耀野——皓旰

戈殺

詩彼候人兮荷——與——



戈鉞

唐書李光傳興元初檢校尚書右僕射以疾將請  
老謂所親曰歲方旱蝗上厭征伐天下城壘堅

一利然務以力勝其可盡乎救敝者莫若德方鎮之臣  
宜先退讓死權錮祿吾何敢哉 柳宗元招海賈文怪

石森立涵重淵高下列置滔危巔崩濤搜疏刻一一君  
不返兮耒沈顛 崔泰之奉和聖製送張尚書巡邊詩

見車馬下 李元操和從叔祿惜元日早朝詩一一映  
林闕歌管拂塵埃 杜甫喜聞官軍已臨賊境詩見弓

矢下 杜牧分司東都寓居履道叨承州尹劉大夫恩  
知詩一一迴紫塞千戚散彤庭 皮日休魯望以五百

言見貽因成一千言迭和詩見巾幘下 羅隱感舊詩  
見劒佩下 鮑文姬奉和麟德殿宴百寮應制詩一一

清外壘文  
物盛中朝

戈秘

周禮考工記車軫四尺謂之一等一一六尺有六  
寸既建而逆崇於軫四尺謂之二等 又廬人為

廬器——六

尺有六寸

戈檻

杜牧羊欄浦夜陪宴會詩——  
營中夜未央雨霑雲惹待襄王

戈羽

淮南子見  
鍾磬下

戈旗

齊書氏傳此府器械山積——林簪士  
卒剽勁蓄銳積威除難勦寇豈侯徵習

戈船

史記南越傳元鼎五年秋衛尉路博德為伏波將  
軍出桂陽下匯水主爵都尉楊僕為樓船將軍出

豫章下橫浦故歸義越侯二人為——下厲將軍出零  
陵或下離水或抵蒼梧使馳義侯因巴蜀罪人發夜郎  
兵下牂牁江咸會番禺 又東越傳天子遣橫海將軍  
韓說出句章浮海從東方往樓船將軍楊僕出武林中  
尉王溫舒出梅嶺越侯為——下瀨將軍出若邪白沙  
元封元年冬咸入東越 漢書武帝紀歸義越侯嚴為

——將軍注臣瓚曰吳子胥書有——以載干戈因謂  
之——也 宋書謝晦傳檀道濟統勁銳武卒三萬——

——蔽江星言繼發千帆俱舉萬棹遙征 越絕書句踐  
伐吳霸關東從瑯琊起觀臺臺周七里以望東海死士

八千人——三百艘 三輔皇圖見旂旄下 梁武帝

移京邑檄長史冠軍將軍襄陽太守王茂率三十軍主

——七萬乘流電激摧鋒扼險斜趨白城 梁元帝討

侯景檄朱旗夕建如赤城之霞起——夜動若滄海之

奔流 江淹蕭相國讓進爵為王表見席卷下 徐陵

司空章昭遠莫誌齊人無信將謀郢藩闖艦——窺江

渡漢公纔聞羽檄遽稟師期馳襲荆鄖應時燒蕩 庾

信崔說神道碑鐵馬有河橋之戰——有汾水之兵

又哀江南賦戎車屯於石城——掩乎淮泗 李百藥

昆明池詩年深平館宇道泰偃——王昌齡別陶副

使歸南海詩寶刀留贈長相憶當取——萬戶侯 劉

長卿鄂渚送池州程使君詩江潮通解舍楚老拜——

皮日休魯望讀襄陽耆舊傳

詩檀溪試——岷嶺屯貝冑

戈霜

虞世南結客少年場行  
鏃——動耿耿劍虹浮

戈羅

明一統志——山在河  
源縣北一百三十里

戈城

皎然從軍行萬里——  
合三邊羽檄分

戈脚

宣和書譜釋智永善義之書而虞世南師之頗得  
其體太宗乃以書師世南然嘗——不工偶作戩

字遂空其落戈今世南足之以示魏徵徵曰今觀聖作  
惟戩字戈法逼真太宗歎其高於藻識然自是益加工  
焉

戈法

宣和書  
譜見上

戈氏

史記夏本紀贊禹為姒姓其後分封用同姓故有夏后氏有扈氏有男氏斟尋氏彤城氏褒氏費氏

杞氏

繒氏辛氏

冥氏

斟氏

戈影

駱賓王從軍行  
分——天星合劍文

戈擊

左傳中行獻子將伐齊夢與厲公訟弗勝公以——之首墮於前跪而戴之奉之以走見梗陽之巫

皐

槍

鎗同

槍纓

溫庭筠昆明池水  
戰詞見箭羽下

槍楯

玉海熙寧九年五月詔諸保甲可依新降隊法結隊并印新結隊圖付兵部每一都保給與一圖結

隊之法三人為一小隊三小隊為一中隊五十隊為一大隊并引戰一人居前擁隊一人執刀居後兼二人居左右執旗一人居中凡五十人皆選士也有馬人與無馬人名為隊隊中兵械或純用一色或雜用弓弩刀斧  
一一皆于結隊時商定取旨

槍槊

宋史兵志金槍班左右班二舊名內直太平興國初改選諸軍中善用一一者補之

槍刀

宋史兵志慶曆九年兵部言舊條義勇保甲所習事藝以十分為率弓不得過二分一一共不得過

二分餘並

習弓弩

槍仗

宋史兵志福建路一一手元豐元年轉運使塞周輔言廖恩為盜以一一手捕殺乃有冒一一手之

名乘賊勢驚擾村落患有甚于廖恩者詔犯者特加刺配周輔請額定一一手人數歲習閱之

槍甲

無可送姚中丞赴陝州詩  
門闌開幕重——下天新

槍旗

避暑錄茶極品唯雙井顧渚其初萌如雀舌者謂  
之——稍數而為葉者謂之——  
歐陽修詩——幾

時綠

善住春晚詩蛙傳鼓

吹池塘雨茶展——

澗壑雷

槍竿

楊允孚滌京雜咏詩宿衛一時金帳卷——珍重  
白雲飛 又莫道——危復危有人家住白雲西

貢奎有——嶺詩

袁桷送王繼學修撰馬伯庸應

奉分院上都詩莫上鄉臺望南北白雲微處是——

槍幹

皮日休虎丘寺殿前有  
古杉一本詩見戟支下

槍手

宋史兵志元祐二年六月密院言元豐七年承旨  
司傳宣密院殿前指揮使左右班——可各以五

分為額餘悉散充弓箭手切詳先為在京馬軍全廢——  
其諸班——有缺無人揀填遂有此宣旨近因殿前

馬步軍司奏諸在京馬軍復置一分——諸班  
——並依舊教閱詔元豐七年宣旨更不施行

槍車

隋書禮儀志煬帝造六合殿千人帳載以——  
車載六合三板其車輪解合交叉即為馬槍

槍急

杜甫送蔡希曾都尉還隴右  
詩身輕一鳥過——萬人呼

槍利

殷文圭贈戰將詩綠沈——  
雪峰尖犀甲軍裝稱紫髯

槍纍

揚雄長楊賦木擁——以為儲  
胥注以木擁——及——繩連結也

槍班

宋史兵志銀——  
左右班二中興置

槍隊

玉海長——有漆槍  
木槍白幹槍樸頭槍

槍材

清異錄——難得十全魏州石屋林多  
有之楊師厚時賜槍效節軍皆采於此



槍來

經世全書水操比較器藝次立白旗各船刀鉤鎗手俱赴臺下先每名單看使舞手法身法次斬馬

刀與長鎗較看其遮當何如但能任鎗誇哄執立不動目不瞬視見內外鎗就使不能遮架亦為第一等若一見——遠遠迎架頭搖身傾手動足亂即為生疎是為下等

及

及書

漢書藝文志八體六技注韋昭曰八體一曰大篆二曰小篆三曰刻符四曰蟲書五曰摹印六曰署

書七曰——

八曰隸書

及戟

周禮司兵掌五兵五盾注五兵者戈——夷矛酋矛

及長

周禮考工記——尋有四尺注八尺曰尋——丈二

及折

書舜典帝曰疇若予工僉曰垂哉帝曰俞咨垂汝共工垂拜稽首讓於一一暨伯與帝曰俞往哉汝

諧

錐

錐刀

左傳今吾子相鄭國作封洫立謗政制參辟鑄刑書將以靖民不亦難乎民知爭端矣將棄禮而徵

於書一一之末將盡爭之亂獄滋豐賄賂並行終子之世鄭其敗乎戰國策賁諸懷一一而天下為勇西施

衣褐而天下稱美晉書衛瓘傳中間漸染遂計資定

品使天下觀望唯以居位為貴人棄德而忽道業爭多

少於一一之末傷損風俗其弊不細南史任昉傳劉

孝標廣絕交論曰競毛羽之輕趨一一之末宋史食

貨志見斗升下呂覽夫相萬乘之國而能遺之謀志

論行而以心與人相索其唯子產乎故相鄭十八年刑

三人殺二人桃李之垂於行者莫之援也——之遺於道者莫之舉也 淮南子殺戎馬而求狐狸援兩鼃而

失靈龜斷右臂而爭一毛折鎔邪而爭——用智如此豈足高乎 曹植求自試表陛下出不世之詔效臣——

——之用使得西屬大將軍當一校之隊若東屬大司馬統偏師之任必乘危蹈險騁舟奮驪突刀觸鋒為士卒

先 柳宗元上大理崔大卿應制舉啟有愛——者以舉是科為悅者也有爭尋常者以登乎朝廷為悅者也

有慕權貴之位者以將相為悅者也有樂行其政者以理天下為悅者也 岑參北秋興寄崔明允詩所適

在魚鳥焉能徇—— 杜甫述古詩市人日中集於利競—— 元稹蟲詩衆噬——毒羣飛風雨聲 劉禹

錫賈客詞——既無棄轉化日已盈 白居易大水詩不知萬人災自覓——利 白

錐矢 戰國策齊地方二千里帶甲數十萬粟如丘山齊車之良五家之兵疾如——戰如雷電解如風雨

錐鑿

淮南子戍卒陳勝興於大澤攘臂袒右稱為大楚而天下嚮應當此之時非有牢甲利兵勁弩彊衡也伐棘棗而為矜因一一而為刃剡槌荼奮儋鏹以當修戟強弩攻城略地莫不降下天下為之糜沸螳動雲徹席卷方數千里勢位至賤而器械甚不利然一人唱而天下應之者積怨在於民也

錐囊

史記平原君傳夫賢士之處世也譬若一一之處一中其末立見魏志陳思王植傳昔毛遂趙之陪

隸猶假一一之喻以寤主立功何況巍巍大魏多士之朝而無慷慨死難之臣乎杜甫遣悶詩見劒匣下

錐股

新論有子惡臥自碎其掌蘇生患睡親一一其一一

錐頭

劉禹錫和牛相公南溪醉歌見寄詩見劒脊下白居易卜居詩且求容立一一地免似漂流木偶

人

錐刺

說苑中庶子曰子之方如此譬若以管窺天以——地所窺者甚大所見者甚少

錐畫

後漢書董卓傳拜胡才征東將軍張揚為安國將軍皆假節開府其壘壁羣豎競求拜職刻印不給

至乃以——之或齋酒肉就天子燕飲書苑王右軍

——沙印印泥何遜與建安王謝秀才箋上第甲科

既慚髣髴管窺

——彌畏友朋

鉗

鉗琴

古琴疏宋華元獻楚莊王以繞梁之琴鼓之其聲嫋嫋繞於梁間循環不已楚王樂之七日不聽朝

其音始歇樊姬進曰君淫於樂矣昔桀好妹喜之瑟而忘其身紂聽靡靡之音而喪其國今君繞梁是樂七日

弗朝君樂忘身喪國乎於

是以鐵如意——而破之

**鎚鑿**

西軒客談國初人有慕城西承天寺浮圖絕顛所藏金銀佛像欲盜取者乃於昏夜間寂之後擲繩其級攀援而上金頂堅牢不可入每戍鼓鑿鑿而起乃急施——以混其聲如是凡三日月夕既得已絕而下自他人視之不勝股栗而彼則自不覺有所恐懼者由志在乎得物故也

**槌**

**槌鼓**

杜牧大雨行奔觥——助聲勢眼底不顧纖腰娘

**槌鑿**

雞肋魏明帝好——聲

**槌砧**

新論越劍性銳必託——以成純鉤楚拓質勁必資撈槩以成弰弓人性雖敏必藉善言以成德行

故——者夷不平也撈槩者矯不正也善言者正不善也

槌竹

筍譜鶴膝竹筍竹杖節下大小似苦竹而閩中土人呼為一一亦堪作拄杖詳此同節竹也筍可食

槌上

王羲之司州帖僕事中久宜暫東復令白便行還便行當至刻一一二十日後還以示政當與君前

期會耳

椎

椎斧

晉書賈充傳太康三年四月薨帝為之慟使使持節太常奉策追贈太宰加袞冕之服綵綬綬御劍

賜東園秘器朝服一具衣一襲大鴻臚護喪事假節鉞前後部羽葆鼓吹緹麾大輅鑾輅輜輶車帳下司馬大車一一文衣武賁輕車介士葬禮依霍光及安平獻王故事給塋田一項

椎鍾

呂覽帝嘗命咸黑作為聲歌九招六列六英有椎作為聲鼓鍾磬吹苓管塤箎鞀一一帝乃令人拊

或鼓鞀鍾磬吹苓展麓因令鳳鳥  
天翟舞之帝嚳大喜乃以康帝德

推鼓

杜甫黃河詩黃河北岸海  
西軍——鳴鍾天下聞

推輪

梁昭明文選序——為大輅之始大輅寧有  
——之質增冰為積水所成積水曾微增冰之凜

推斲

唐書高瑀傳忠武節度使自大厯後擇帥悉出官  
人中尉所輸貨至鉅萬貧者假貸富人既得所欲

則——膏血倍以酬息十嘗六七及瑀  
有命士相告曰韋裴作相天下無債帥

推鑿

大學如切如磋如琢如磨朱注切以刀鋸琢以——  
——皆裁物使成形質也莊子桓公讀書於堂上

輪扁斲輪於堂下釋——而問桓公曰敢問公之所讀  
為何言邪公曰聖人之言也曰聖人在乎公曰已死矣

曰然則君之所讀者古人之  
糟魄已夫又見繩墨下



推埋

宋史吳擇仁傳建中靖國初畿內飢多盜以擇仁知大鹿縣始至召令賊曹曰民窮而盜非天性也

我以靜鎮之若亡命——故犯我一切誅之母得貸羣盜相戒不入

推拍

莊子——輓斷與物宛轉郭注法家雖殊猶——故未混合

推剝

唐書獨孤及傳長安城中白晝——吏不敢詰官亂職廢將墮卒暴百揆墮刺如沸粥紛麻民不敢

訴於有司

推結

漢書西南夷傳西夷君長以十數夜郎最大其西靡莫之屬以十數滇最大自滇以北君長以十數

邛都最大此皆——耕田有邑聚——胎髮不難除長大而無櫛篋不裹巾蓬垢髻髻自古以然

莫可化也

名——

# 烽 烽同

## 烽火

史記周紀褒姒不好笑幽王為烽燧大鼓有寇至則舉——諸侯悉至至而無寇褒姒乃大笑後

漢書杜茂傳盧芳據高柳與匈奴連兵數寇邊帝遣謁者段忠鎮守北邊因發邊卒築亭候修——南史崔

慧景傳並千蠟燭為——北史楊侃傳蕭寶夤令其

子領騎與侃遇于恒農北侃據石錐壁班告曰今且停

車于此以待步卒候臺軍舉三——各亦應之其無應

烽即是不降之村理宜殄戮西京雜記積草池中有

珊瑚樹高一丈二尺一本三柯上有四百六十二條是

南粵王趙佗所獻號為——樹至夜光景常欲燃唐

太宗飲馬長城窟行迴戍危——層巒引高節唐明

皇登蒲州道遙樓詩長榆息——高柳靜風塵杜甫

春望詩——連三月家書抵萬金韓愈——詩登高

望——誰謂塞塵飛白居易和渭北劉大夫詩見鼓

聲下

蘇軾款寒來享詩斥堠銷——邊城息鼓聲

陸游詩常使屏風寫無逸應無——照甘泉

麻九疇

李道人家山園詩——不堪耕夜月畫圖猶可挂殘陽

戴表元看花曲一朝邊亭靜——詔書自議麒麟功

成廷珪安慶大節堂詩當日雷霆歸號令至今——

報平安雅琥送劉縣尹赴白登縣詩往時——通秦

塞今日絃歌屬漢家傳若金秋日巡山詩——不聞

乘夜警人煙多見入雲居崔與之水調歌頭詞——

平安夜歸

夢到家山

烽煙

席豫奉和聖製送張說巡邊詩春冬見巖雪朝夕候——

烽燧

後漢書光武帝紀建武十二年十二月遣驃騎大將軍杜茂將衆郡施刑屯北邊築亭候修——

烽驛

鮑照河清頌桴鼓凝埃——垂轡

烽砦

許棠塞下詩塞溪——  
——密山亂犬羊多

烽柝

庾信碑——是警  
實擾移關之民

烽鼓

沈約齊安陸昭王碑文晉宋迄今  
有切民患——相望歲時不息

烽候

唐書百官志職方郎中員外郎各一人掌地圖城  
隍鎮戍——防人道路之遠近及四夷歸化之事

盧照鄰上之回樂府回中道路險蕭關——多  
積酬樂天東南行詩一百韻詩郵亭一蕭索——各崎  
嶇

烽起

魏書張奭傳昔舊京——虜  
使在郊主上按劍璽書不出

烽舉

司馬相如謝已蜀檄邊郡之士聞——燧燔皆  
攝弓而馳荷兵而走  
杜甫詩——新酣戰

烽然

庾信周大將軍司馬裔神道碑旣而雲中拆起代郡——

烽消

戴叔倫送耿十三漳復往遼海詩野迥邊塵息——成壘空

燧

燧人

中論太昊觀天地而畫卦——察時令而觀火帝軒開鳳鳴而調律倉頡觀鳥跡而作書斯大聖之

學乎

燧象

左傳鍼尹固與王同舟王使執——以奔吳師注燒火燧繫象尾使赴吳師驚却之

燧燔

司馬相如諭巴蜀檄見烽舉下

砲

**砲座**

避戎嘉話初九日到宣化門護龍河內賊橋已疊過半矣但未有砲猶可捍禦友仲遂選神臂弓強

弩手下臨分布牀子弩及九牛弩多置大小一一又於攻打處絞縛致勝綳一日而就成衆指為鬼工

**砲車**

宋史魏勝傳勝常自創如意戰車數百兩一一數十兩車上為戰面木牌大槍數十垂氈幕軟牌每

車用二推轂可蔽五十人又作礮國史補暴風之後有——雲蘇軾詩今日江頭天色惡——雲起風欲作

**砲石**

宋史兵志破砲之策其法用稻穰草成堅索條圍四寸長三十四尺每二十條為束別以麻索繫一

頭於樓後柱搭過樓下垂至地樵梁垂四層或五層周庇樓屋沃以泥漿火箭火砲不能侵——雖有百鈞無所施矣元史哈木海傳太祖嘗問攻城略地兵仗何先對曰攻城以——為先力重而能及遠故也

砲箭

避戎嘉話靖康丙午仲冬金人再犯京師統制姚友仲領右中三軍備禦交鋒正在北拐子城下躬

率將校施放弓弩監督砲石凡數陣皆為一一所臨雖不少負亦不大勝

砲機

唐書五行志至德二載三月安祿山將武令珣圍南陽有鵲巢於城中一一者三雛成乃去此羽虫

孽也

砲架

避戎嘉話金人一一四旁並用濕榆小椽密簇定又用生皮并鐵葉裹定鵲鷄須火不能入其砲有

七梢五梢三梢兩梢獨梢旋風虎蹲等砲內七梢可以致遠其石六五梢等亦可以致遠其上或放雙砲

砲匠

元史阿老瓦丁傳阿老瓦丁回回氏西域木發里人也至元八年世祖遣使徵一一於宗王阿不哥

王以阿老瓦丁亦思馬因應詔二人舉家馳驛至京師給以官舍首造大砲豎於午門前帝命試之賜以衣段

砲手

宋史兵志奇嵐軍別置牀子弩——又夏國傳有——二百人號發喜陡立旋風砲於橐駝鞍縱

石如拳

元史兵志至元七年七月分揀隨路——軍

太祖太宗征討之際於隨路取發并攻破州縣招收鐵

木金火等人匠充——管領出

征壬子年俱作——附籍以呈

砲聲

元史答喻傳十五日分軍為三道伐葛郎期十九日會答哈聽——接戰土虎登哥等水軍沂流而

上亦黑速失等由西道興等由

東道進土罕必間耶軍繼其後

砲身


經世全書虎蹲砲即百子銃也先看——次看藥將藥線然之是否疾躍鈍剪是否鋒利每一旗下

三隊長同

裝一門

御定駢字類編卷一百六十八





總校官庶吉士臣侍朝

校對官檢討臣郭寅

謄錄監生臣陳熙